



「黃色經濟圈」仲未騰飛，「黃店」就一間接一間咁執笠，但執極都有醜聞爆，仲要鑊鑊新鮮鑊鑊：這邊廂「人血龍門」賣月餅掠水到中秋過埋先有月餅買客，仲要啲月餅嘍邊度製作、廠房嘍邊都無從得知；那邊廂有人嘍「時代冰室」食到中毒上吐下瀉。不過有得食可能都算係咁，訂咗位話有訂到、入咗座又提早趕走，甚至外賣送貨員等咗45分鐘等唔到外賣仲要俾人打，呢啲係「黃絲」一手養起嘅「黑暴新秩序」囉。


香港文匯報記者 黃書蘭

黃店醜聞鑊鑊甘 衛生質素無底線

「人血龍門」無牌賣月餅掠水 外賣員等逾時外賣俾人打

「水門」夥計唔戴罩

「時代」5食客中毒




「Kyobo Lau」質疑「水門雞」夥計唔戴罩：「咁連樓面都要試味！」。 fb圖片

衛生、服務、質素，「黃店」真係可以統統忽略。好似「黃店」「水門泰式海南雞飯專門店」日前就俾網民影到有夥計做嘢唔戴罩；北角「時代冰室」日前則涉嫌令5人食物中毒，俾衛生署衛生防護中心立案調查；聲稱退出「黃圈」嘅「人血龍門」（龍門冰室）日前賣月餅，都俾網民質疑係無牌製造；龍門老細張俊傑告緊前員工Marco（楊朗）近日搞嘅團購茶飲，都被質疑係「零衛生規格無牌飲品」。有網民話：「去『黃店』食就預左（咗）有風險！」

「水門雞」日前俾唔少網民影到有夥計嘍店內唔戴或者拉低口罩，但就好寸咁死撐話唔戴罩只係為咗「試味」嘅。「Chris Yuen」就話：「講真衰左（咗）認就認啦，係要死雞攤飯蓋，係要唔gur（順）啤（擲）返咋（排）沙串（寸）返人。」「David Chan」都笑：「人哋一路『試味』試到收舖又要同你交待（代）咩！」

衛生防護中心日前就指有兩宗懷疑食物中毒個案，5名事主都係9月25日幫襯過北角「時代冰室」，隨後出現腹痛、腹瀉、嘔吐及發燒等病徵，都味話唔牙煙。



「Yan Wong」指「巨嬰Marco」搞茶飲團購「飲壞人都唔知咩事！」。 fb截圖

經常「反偽黃」嘅「Anita Wong」日前係「倫敦人西先生手記」發帖質疑「人血龍門」售賣嘅月餅係無牌製造，「正常食品嘅包裝上面，應該會有製造商地址、過期日及營養標籤……龍門冰室/龍門冰室呢？個月餅盒上空白一片乜乜都有。梗係啦，原來全部月餅都係無牌製作，仲要……响（嘍）完全唔合乎衛生（衛）生及通風標準嘅辦公室無牌生產。」「Koi King」則話：「背面乜都有？最基本已經過唔到商品說明條例啦，報得海關！」

專門為龍門解圍嘅「渣家軍人西炒車事件簿」成員「Yan Wong」就話返Marco嘅茶裝茶係無牌製作，「巨嬰Marco就將飲茶飲喇喇茶裝搬上屋企，由Marco主理，响喇度非法入樽，良心手足良心飲品？零衛生規格無牌飲品……如果你想話我老屈你，請你公開製作茶裝茶飲嘅食環牌照、消防證書。」

其實大家都指到對方咁多污點，呢鋪就打和嘍，係「黃絲」要睇路咯。

廚房佬圍外賣仔 撞歪旁人眼鏡

物以類聚，人以群分，做得「黃店」嘅人都未必係善類。有「小黃人」日前就直擊到有元朗「黃店」井家和食連外賣仔都恰，聽見人哋話等咗45分鐘想催外賣，就搵班廚房出手打人，仲要殃及池魚撞倒旁邊嘅「小黃人」眼鏡都歪埋。搞到「手足」都話：「就算係『黃店』咁又點，連最基本嘅服務態度同質素都冇，罷食算啦！」

網民「Quean Tang」日前係「黃谷」fb專頁「我食在元朗。你卻在大牌檔」發帖，講自己去幫襯「黃店」都被撞歪眼鏡。佢話：「唔關食事的不愉快經歷！……離遠已見井（井）家和食門外有一年青（輕）人跟店員理論中，聽到年青（輕）人話等左（咗）9個字，我唔知是等外賣定等位……點知就在我行過時，井（井）家和食內有另一名青年匆（衝）出來推向那青年，他腳步不穩就撞向我，我成個人撞左（咗）去近欄杆，眼鏡也被撞歪小小，……其實無論有咩事都好，希望可以心平氣和，始終出手也不太，被傷及的途人更加無辜！」

「陳靜」就補充：「被打個（嗰）位係我細佬的朋友，係做foodpanda嘅（嘅）外賣員黎（嚟），事情發生係因為等佢地（哋）鋪（舖）出外賣，等左（咗）足足九個字，外賣員入去問，老闆娘態度惡劣『等到就等，等吾（唔）到就即刻走』，繼而發生口角，之後三個廚房佬沖（衝）出嚟出手打外賣員，有人報咗警，最後外賣員吾（唔）追究，廚房佬道歉了事……最後差佬話，三個廚房係員工嘍，係井家和食嘅（嘅）老闆黎（嚟）！」

「手足」死撐應該動武

唔少「手足」都覺得出手打人就唔啱，不過有人就惡人先告狀，死撐對付無禮嘅外賣仔應該動武。「Lychee Marie」就代表井家和食咁講：



陳靜在「我食在元朗。你卻在大牌檔」指三個廚房佬打外賣員。 fb截圖

「foodpanda 嘅（嘅）員工質素良莠不齊，我都未投訴佢！未到取餐時間，自己一早到，等到唔耐煩就不斷催，催唔到就發爛渣……無人理佢，佢就打開門嗰『要等幾耐幾耐』老闆娘回敬佢佢等就等等，外賣仔好惡咁問，態度××出去！……廚房聽到自己呀俾人××，佛都有火，衝出去推左（咗）外賣仔一下，唔小心撞倒小姐，個場面就俾人講成3打1，呢個外賣仔欺善怕惡，同佢好聲好氣講唔得，仲要係（嘍）到（嘍度）××個女人，呢種人真係可以用文解決咩？」

不過，「KaSing Ho」就話：「報警落案啊！唔好放過佢地（哋），如果仲有下次咁點？」「Gordon Cheng」都話：「本身已經唔係好食，仲要搞d（啲）咁既（嘅）事，點睇件事都唔會係外賣員既（嘅）錯，個餐等45分鐘仲要俾人串同打，就算係黃店咁又點，連最基本嘅服務態度同質素都冇，罷食算啦！」

幫襯「黃店」一肚氣 雲海爆粗：冇下次

唔少「黃店」都有一個共通點，就係出咗名當正自己「黃就大晒」，大部分啲嘢難食或者服務差，搞到「手足」幫襯完都呻笨。網台主持人雲海（陳雲海）日前就係facebook發帖，大呻幫襯完某黃店一肚氣，仲爆粗話：「冇下次，唔推介，日後唔好同我講你告急，×你老×！」唔少「手足」睇完都深感同病相憐，齊齊話「唔好盲撐黃藍店」。

雲海日前發帖，講自己同朋友住九龍特登去港島幫襯一間黃店嘅經歷：「朋友親自打去餐廳訂位，去到話有，勉為其難比（男）張給我哋！我哋7:00坐低，第一句就話只可以食一個半鐘嘅咋，我哋食緊途中，個侍應走埋嚟同我地（哋）講：『你哋夠鐘啲啦！』望一隻隻錶八點！OK唔同你嘈，我同朋友極速收埋手上嗰支啤酒！走！冇下次，唔推介，日後唔好同我講你告急，×你老×！」

唔少「手足」都話對雲海嘅遭遇都心（身）同感受。「Elley Choy」就話：「之前幫襯一間『黃店』放題都有類似經驗，已經早兩個星期訂位，去到竟然冇留權（枱），要同walk-in客一齊等枱（枱），門口職員話『訂位枱（枱）的客只係優先等枱（枱），walk-in（街）的話可能連等都有得等。』」

佢繼續呻：「明明訂三位，佢見我兩大人一個小童，四歲，絕對唔係手抱B，竟然在（仲）要我企門口同人勁迫地呆等半個鐘後比（男）張二人枱（枱）我，佢地（哋）話可以只計我兩個大人錢，我話寧願你收我三個大人錢但比（男）張正常枱（枱）我坐，……我有認過已經好有誠意早兩星期訂枱（枱），都有咁樣的對待！但當時唔想再呆等，臨時改去其他餐廳的話亦唔會有位，唯有硬食，勁迫迫辛苦地食完呢餐。食完，自己忍咗佢算，唯有以後自己唔再幫襯，自此明白『黃餐廳』唔係等於好餐廳的道理！」


「Chung Chung Cheung」亦話：「我上個月去左（咗）個好伙既（嘅）個『黃店』髮型師，剪得唔好仲要發我脾氣，激×死我！」「Mora Mora」都話：「我都試過，銅鑼灣（食）pasta，去到先知轉左（咗）餐牌無set，就係『黃店』響左（咗）要加價，加埋野（嘢）飲過200（蚊），平日lunch黎（嚟）ja wor（咩啲）！」

「手足」話唔應該盲撐「黃店」

有「手足」就話根本就唔應該盲撐「黃店」，無質素就要佢執。「Martin Mak」話：「老實講，唔好盲撐『黃』、『藍』店……『黃』嘅犯法一樣要照拉……『黃店』唔係一定乜×都得！」「Lak Er Won」都話：「我



曾健超講豬仔糖水結業。 fb截圖



雲海爆粗鬧爆「黃店」。 fb截圖

估埋（嘅）啲經歷嘅好多人都有。包括小弟，佢唔尊重出品質素，唔尊重服務。『黃』『藍』都係會執！」

夥計寸嘴 豬仔糖水「死有餘辜」

「佔中」襲警分子曾健超日前則發帖講土瓜灣「黃店」豬仔糖水嘍昨晚結業，但唔少「手足」都回應覺得豬仔糖水「死有餘辜」。「神盾局」就話：「支持過幾次，但質素普通，伙記（夥計）又寸咀（嘴）。」「Panda Cheung」都話：「都真係幾難食，座位又唔舒服，仲要加一。」「Yim Hong」更鬧：「伙（夥）計服務態度差（寸）過馬×。」

唉，總是一世嘅「手足」有幾多？三個和尚沒水飲，咁多人想食人血饅頭，點會唔執！

訂「人血龍門」月餅 中秋當日無得拎

凡事太盡，緣分勢必盡。早前高調退出「黃圈」嘅「人血龍門」（龍門冰室）特住有班「薑粉」盲撐，每逢佳節都倍掠水，但係中秋佳節卻俾班「薑粉」嘍facebook叫延期登閣爆。原來唔少苦主話早前幫襯咗「人血龍門」訂月餅，點知訂到過埋中秋正日都未有得攞，搞到個個都話「失望失信，好嬲！」

唔知係咪一早開到爆，「人血龍門」早於9月24號就係fb發帖話要截單：「聽日中午12點，我哋要CUT月餅單了……小朋友真係做唔啱，開始要捱通頂起製！」但就仲Hastag「聽日中午12點係最後機會喇」，叫班「薑粉」最後衝刺。

經常「反偽黃」嘅網民「Anita Wong」就係中秋發帖鬧：「龍門今次大節流流有月餅還俾（男）啲客，除咗係學咗幾個月烘焙就扮大師傅嘅無牌餅房主理Alan成世人第一次整月餅，安排失當，被踢爆原來餅房係無牌經營要走佬之外，另外一個重要原因，就係饅頭張（龍門老闆張俊傑）太貪……龍門直到今日中秋都有月餅俾（男）班客，但10日前仲竟然仲攞緊團購訂單，想賣得幾多幾多，cap水要cap到盡；明明已經開始有訂好貨嘅客攞唔到餅，但饅頭張9月24號就出po叫班薑粉最後衝刺催估訂單！自己餅房無能（力）做唔切不特

只，仲要繼續賣月餅俾（男）街客？9月25號上晝（晝）仲收緊新客人錢接緊訂單，26號就開始atsapp（WhatsApp）發短信俾一啲俾（男）唔（唔）晒（晒）錢嘅客叫人延期俾喇！呢啲就係『良心』老細嘅『良心』賣餅計劃呀？」

取貨不斷延後 苦主喊失信

唔少苦主都相繼嘍連登呻埋中秋都未有月餅。好似「來一杯Mojito」話：「頭先去拎，排咗唔多半個鐘，明明前邊得五個人，抄低我電話又搵咗一輪，先話今轉有貨，夜啲會有貨返，唔知幾時，不過都唔肯定有冇我份，叫我一係等，一係退錢，啲姐姐話整餅嘅同佢地有溝通，所以佢都有list，唔知返緊咩貨過來，我揀咗繼續等，希望有貨啦，覺得啲前線員工好慘！」



Anita Wong 斥饅頭張賺到最盡。 fb截圖

「雞蟲成」就話：「唉！比（男）龍門改左（咗）兩次期……仲聽到佢哋話明明白蓮蓉月餅fb公佈（布）唔會再買，但佢地（哋）問到都叫人入數買，最後都交唔到貨。」

「Lau KT」都講：「真心好失望嘅，本來訂27/9取貨，延後一日，都算，再延到30/9……專登出黎（嚟）攞，話5:00後，我特登8:00先去，點知去到話根本從來無貨。喂！咁你部msg一聲嘢，我有問ga（啲）但你無覆無通知，我真係×

你個肺，唔關『藍』『黃』囉，係你做得唔好，好意思用良心生活圈打造市場嗎，咁樣會令大家失望！我已經3次都體諒，但最後換來係係通知都無聲，門市淨係話退錢咁簡單，錢真係唔係問題，係失望失信，好嬲！」

有網民就覺得應直斥其非。「新奇是非橙」話：「而（嘅）家大失預算，唔係個個佛系、睇得開、無所謂，『黃店』隱惡揚善，愛佢變善佢！」